



Comhairle an
Aontais Eorpaigh

An Bhruiséil, 7 Iúil 2020
(OR. en)

9229/20

**Comhad Idirinstitiúideach:
2020/0133 (NLE)**

EPPO 18
COPEN 179
FIN 415
GAF 21
CSC 178

GNÍOMHARTHA REACHTACHA AGUS IONSTRAIMÍ EILE

Ábhar: CINNEADH CUR CHUN FEIDHME ÓN gCOMHAIRLE lena leasaítear Cinneadh Cur Chun Feidhme (AE) 2018/1696 maidir le rialacha feidhmiúcháin an phainéil roghnúcháin dá bhforáiltear in Airteagal 14(3) de Rialachán (AE) 2017/1939 ón gComhairle

CINNEADH CUR CHUN FEIDHME (AE) .../2020 ÓN gCOMHAIRLE

an ...

**lena leasaítear Cinneadh Cur Chun Feidhme (AE) 2018/1696
maidir le rialacha feidhmiúcháin an phainéil roghnúcháin dá bhforáiltear in Airteagal 14(3)
de Rialachán (AE) 2017/1939 ón gComhairle**

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2017/1939 ón gComhairle an 12 Deireadh Fómhair 2017 lena
gcuirtear chun feidhme comhar feabhsaithe maidir le bunú Oifig an Ionchúisitheora Phoiblí
Eorpaigh ("OIPE")¹, agus go háirithe Airteagal 14(3) de,

Ag féachaint don togra ón gCoimisiún Eorpach,

¹ IO L 283, 31.10.2017, lch. 1.

De bharr an mhéid seo a leanas:

- (1) Cuireadh Oifig an Ionchúisitheora Phoiblí Eorpaigh ar bun chun déantóirí agus cionpháirtithe cionta coiriúla a bhfuil tionchar acu ar leasanna airgeadais an Aontais a imscrúdú, a ionchúiseamh agus breithiúnas a thabhairt orthu.
- (2) Foráiltear i Rialachán (AE) 2017/1939 go gceapfaidh an Chomhairle gach Ionchúisitheoir Eorpach ó thriúr iarrthóirí incháilithe a ainmneoidh gach Ballstát tar éis don Chomhairle tuairim réasúnaithe a fháil ón bpainéal roghnúcháin dá bhforáiltear in Airteagal 14(3) den Rialachán sin.
- (3) Is réamhriachtanas chun OIPE a chur ar bun é roghnú agus ceapachán na nIonchúisitheoirí Eorpacha, agus mar aon leis an bPríomh-Ionchúisitheoir Eorpach, is iad Coláiste OIPE iad araon.
- (4) An 13 Iúil 2018, ghlac an Chomhairle Cinneadh Cur Chun Feidhme (AE) 2018/1696¹ lena mbunaítear rialacha oibriúcháin an phainéil roghnúcháin ("na rialacha oibriúcháin") dá bhforáiltear in Airteagal 14(3) de Rialachán (AE) 2017/1939.

¹ Cinneadh Cur Chun Feidhme (AE) 2018/1696 ón gComhairle an 13 Iúil 2018 maidir le rialacha oibriúcháin an phainéil roghnúcháin dá bhforáiltear in Airteagal 14(3) de Rialachán (AE) 2017/1939 lena gcuirtear chun feidhme comhar feabhsaithe maidir le bunú Oifig an Ionchúisitheora Phoiblí Eorpaigh ("OIPE") (IO L 282, 12.11.2018, lch. 8).

- (5) Foráiltear i Riall VI.2 de na rialacha oibriúcháin, go bhfuil painéal roghnúcháin, ar na hainmniúcháin a fháil, le hathbheithniú a dhéanamh orthu i dtaca leis na ceanglais a leagtar amach in Airteagal 16(1) de Rialachán (AE) 2017/1939. Tá an painéal roghnúcháin le héisteacht a thabhairt do na hiarrthóirí arna n-ainmniú. Ní mór don éisteacht a bheith ar siúl i bpearsan. I gcás ina dtarraingíonn iarrthóir ainmnithe siar a ainmniúchán nó a hainmniúchán, sula mbeidh an éisteacht ann, tá an painéal roghnúcháin, trína rúnaíocht, le iarraidh ar an Ballstát lena mbaineann iarrthóir nua a ainmniú.
- (5) I Riall VII. 2 de na rialacha oibriúcháin, foráiltear go bhfuil an painéal roghnúcháin le tuairim a fhoirmliú maidir le cáilíochtaí na n-iarrthóirí chun cúraimí na nIonchúisitheoirí Eorpacha a chomhlíonadh ar bhonn a dtorthaí le linn an athbheithnithe agus na héisteachta agus go bhfuil sé le lua go sonrach cé acu a chomhlíonann iarrthóir na coinníollacha a leagtar amach in Airteagal 16(1) de Rialachán (AE) 2017/1939 nó nach gcomhlíonann. Ní mór don phainéal roghnúcháin cúiseanna lena tuairim a chur ar fáil. I gcás nach gcomhlíonfaidh na hiarrthóirí a ainmníodh na coinníollacha a leagtar amach in Airteagal 16(1) de Rialachán (AE) 2017/1939, foráiltear leis an riall chéanna nach mór don phainéal roghnúcháin, trína rúnaíocht, a iarraidh ar an mBallstát lena mbaineann líon comhfhreagrach iarrthóirí nua a ainmniú.

- (6) Mar eisceacht ar an dara mír de Riail VI.2 agus ar an dara mír de Riail VII.2 de na rialacha oibriúcháin, ba cheart an deis a bheith ag an bpainéal roghnúcháin a thuairim réasúnaithe a chur ar fáil don Chomhairle maidir le beirt iarrthóirí incháilithe, agus beirt iarrthóirí amháin, i gcás ina gcinnfear go leordhóthanach nach féidir le Ballstát go hoibiachtúil, i bhfianaise na n-imthosca eisceachtúla sa Bhallstát sin, an tríú hiarrthóir incháilithe a aimsiú laistigh d'am réasúnta, d'ainneoin go ndearnadh gach iarracht is gá leis an tríú hiarrthóir a aimsiú. Níor cheart don phainéal roghnúcháin leas a bhaint as an bhféidearthacht seo ach amháin i gcás ina dtarraingíonn iarrthóir ainmnithe siar a ainmniúchán nó a hainmniúchán nó i gcás inar chinn an painéal roghnúcháin go raibh an t-iarrthóir neamh-incháilithe agus i gcás inar ainmnigh an Ballstát sin iarrthóir nua uair amháin cheana, ar a laghad, roimhe sin i gcomhréir le Riail VI.2 nó VII.2. Sa chás sin, ba cheart go mbeadh an painéal roghnúcháin in ann a thuairim a chur faoi bhráid na Comhairle maidir le beirt ainmnithe ach incháilithe, agus ba cheart go mbeadh an Chomhairle in ann leanúint ar aghaidh chun iad a cheapadh ar bhonn liosta nach bhfuil ach beirt iarrthóirí incháilithe air.
- (7) Ba cheart Cinneadh Cur Chun Feidhme (AE) 2018/1696 a leasú dá réir sin.
- (8) Chun tús tráthúil le gníomhaíochtaí OIPE a áirithiú, ba cheart don Chinneadh seo teacht i bhfeidhm an lá tar éis lá a fhoilsithe,

TAR ÉIS AN CINNEADH SEO A GHLACADH:

Airteagal 1

I Riail VII.2 den Iarscríbhinn a ghabhann le Cinneadh Cur Chun Feidhme (AE) 2018/1696, cuirtear an mhír seo a leanas isteach i ndiaidh an dara mír:

"Mar eisceacht ar an dara mír den phointe seo agus ar an dara mír de Riail VI.2, i gcás ina gcinnfear go leordhóthanach nach féidir le Ballstát go hoibiachtúil, i bhfianaise na n-imthosca eisceachtúla sa Bhallstát sin, an tríú hiarrthóir incháilithe a aimsiú laistigh d'am réasúnta, d'ainneoin go ndearnadh gach iarracht is gá leis an tríú hiarrthóir a aimsiú, féadfaidh an painéal roghnúcháin a thuairim réasúnaithe a chur chuig an gComhairle maidir le beirt iarrthóirí incháilithe, agus beirt iarrthóirí amháin, tar éis dó dul i gcomhairle leis an mBallstát lena mbaineann agus forais leordhóthanacha a thabhairt."

Airteagal 2

Tiocfaidh an Cinneadh seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Arna dhéanamh sa Bhruiséil,

Thar ceann na Comhairle

An tUachtarán